

ՀՐԱԶ ՍԱՐԿԱՎԱԳ ԽԱՉԱՏՐՅԱՆ

Գեոդազիան Հոգևոր Ճեմարանի Զ լսարանի սան

Ս. ՍՏԵՓԱՆՈՍ ՆԱԽԱՎԿԱՅԻ ԱՆՈՒՆԸ ԿՐՈՂ ԵԿԵՂԵՑԻՆԵՐԸ ԵՎ ՎԱՆՔԵՐԸ

Ս. Ստեփանոս Նախավկա: Նվիրական ամուսն, որը միշտ պարծանքով է հանում քրիստոնյա հավատացյալի շուրթերից: Նվիրական ամեն, որի վարքը և գործունեությունը օրհնակ է համոզիսացել Բրիստոնեական Եկեղեցու համար: Բրիստոնյա ճափատակ, որը ամեն է Ընդհանրական Բրիստոնեական Եկեղեցու սրբերի կարգը, որն ուժի հիշատակության իր առանձին օրը, ըստ Տոմացույցի: Հայ Առաքելական Եկեղեցին ամսամս չի այս ամենից և սահմանել է մի առանձին օր Օրա խմբիկի հիշատակը փառաբանելու և օրհներգելու համար: Ըստ մեր Եկեղեցու Տոմացույցի, դեկտեմբեր ամսվա վերջին օրերին ձմեռում են չորս Ավագ տոները, որոնցից մեկն էլ Ս. Ստեփանոս Նախավկայի տոնն է: Այդ օրվա շարականները ձվիրված են Ս. Ստեփանոսի և յի են Գործք Առաքելոցում Ս. Ստեփանոսի հետ կապված իրադարձությունների մեկնաբանությամբ և փառաբանական մակդիրներով:

Ս. Ստեփանոս Նախավկան մեր Եկեղեցու չորս գլխավոր բարեխոսներից է, որի արտահայտություններից մեկն է Օրա ամուսնը հավերժացնող այն բազում վառքերը, եկեղեցիները, որոնք գտնվում են պատմական Հայաստանի ողջ տարածքում: Մեր այս հոդվածում փորձել ենք մերկայացնել Ս. Ստեփանոս Նախավկայի ամուսնը կրող վառքերը և եկեղեցիները հետևյալ խմբավորումով՝ առանց հավակնություն ունենալու կատարել ամբողջական թվարկումը Ս. Ստեփանոսի մկիրված բոլոր կառույցների:

1. Վանական համալիրներում առանձին մաս կազմող Ս. Ստեփանոս Նախավկայի ամուսնը կրող եկեղեցիները:

ա. Հաղարծիքի Ս. Ստեփանոս եկեղեցի

Հայ ճարտարապետության ամենահին հուշարձաններից է Հաղարծիքի վանական համալիրը: Այն կազմված է հինգ եկեղեցիներից, որոնցից մեկն էլ կրում է Ս. Ստեփանոս Նախավկայի ամուսնը: Ս. Ստեփանոսի եկեղեցին գտնվում է համալրի արևելյան կողմում: Կառուցման ժամանակը ստույգ հայտնի չի, ըստ ճարտարապետական ոճի, ենթադրվում է, որ պիտի կառուցված լի՞ մի 11-12-րդ դարերում: Եկեղեցու պատերը քամդակված են գարդամախշերով, իսկ վիմական արձանագործությունները որոշակի պատկերացում են տալիս այդ եկեղեցու

պատմության մասին: Արձանագրություններից մեկն էլ վկայում է, որ այն վերանորոգվել է 1651 թվականին:

բ. Թաճառատի Ս. Ստեփանոս եկեղեցի

Հաջորդ Ս. Ստեփանոս եկեղեցին մասն է կազմում Եղեգոաձորում գտնվող Թաճառատի վանական համալիրի: Այս համալիրի մեջ, քացի Ս. Ստեփանոս եկեղեցուց, մտնում է նաև Ս. Նշան կամ Ս. Վարազա Ս. Խաչ եկեղեցին:

Գլխավոր եկեղեցին մատենագրական աղբյուրներում և արձանագրություններում կոչվում է Ս. Ստեփանոս Նախավկայի անունով: Կառուցման թվականը հստակ հայտնի չէ:

Ըստ Ստեփանոս Օրբելյանի տեղեկության, Հայ եկեղեցու 7-րդ դարի մշտնապար անձերից մեկը՝ Ստեփանոս Այումեցին, մահացել է 735 թվականին և թաղվել Արկազ գյուղում: Նույն աղբյուրը հայտնում է, որ Ստեփանոսի տապանը երկար չի մնում Արկազում, այլ մույմ թվականին տեղափոխվում է Թաճառատի Ս. Ստեփանոս եկեղեցի, որը սկզբնական շրջանում մի փոքր մատուռ է եղել, որի տեղում հետագայում, 1273-1279 թվականներին, Պողոս իշխանը կառուցում է զմբեթավոր մի եկեղեցի: Այստեղից եզրակացնում ենք, որ Թաճառատի վանքը, իր անբաժան մասը կազմող Ս. Ստեփանոսի եկեղեցու հետ միասին, գոյություն է ունեցել դեռևս 8-րդ դարի առաջին քարտորդում: Ս. Ստեփանոսի եկեղեցին այժմ գտնվում է կիսավեր վիճակում: Պատերի վրա պահպանվել են արևի ժամացույցը և թռչունների քարձրաքանդակ: Եկեղեցին հարուստ է նաև արձանագրություններով: Դրանք այնպիսի մյուսեր են պարունակում իրենց մեջ, ինչպիսիք են միաբանության համալրումը մոր հոգևորականներով, Թաճառատի վանքին կալվածքների ձվիրատվությունը մեծառուն իշխանների կողմից: Այս արձանագրությունները մեծ չափով օգնում են որոշակի պատկերացում կազմել վանքի պատմության և մերձիկ կյանքի վերաբերյալ:

գ. Լմբատավանքի Ս. Ստեփանոս եկեղեցին

Արթիկից շուրջ մեկ կիլոմետր հեռավորության վրա է գտնվում Լմբատավանքը, որից այժմ կանգուն վիճակում պահպանվել է միայն Ս. Ստեփանոս եկեղեցին:

Պետք է ասել, որ պատմիչները ոչ մի հիշատակություն չեն թողել այս վանքի մասին, հայտնի չէ, թե երբ է կառուցվել և ում ձեռքով: Եղած տեղեկությունների եկեղեցու վրա կատարված արձանագրություններն են:

Իր ճարտարապետական կառուցվածքով, ռճով Ս. Ստեփանոսի եկեղեցին համապատասխանում է 7-րդ դարի վանքերի ռճին: 7-րդ դարում կառուցվելու համոզմանը ենթադրում է, որ այն կառուցել են Կամսարականները, որոնց սեփականությունն էր Օիրակը:

Ինչ վերաբերում է արձանագրություններին, ապա դրանցից ամենահինը գրվել է 11-րդ դարում: Դրանից իմանում ենք, որ Ս Ստեփանոսի եկեղեցին ենթարկվել է սելջուկների ավարատությանը, իսկ միմյ այդ պատկանել է Պահլավունիներին: Այստեղ հիշատակված Բարսեղը, որը վանքի վանահայրն էր, ենթադրվում է, որ վահրամ Պահլավունու որդիներից մեկն է:

Սեղանյակների Ծիրակը ազատագրելուց հետո Լմբատավանքը Ս. Ստեփանոսի եկեղեցու հետ միավորվում է Զաքարյան իշխաններից, Ծիրակի գավառի հետ միասին: Այդ մասին են վկայում 13-րդ դարի արձանագրությունները: Ս. Ստեփանոսի եկեղեցում կատարվել են վերամոդրոգումներ 13-րդ դարում, ամենայն հավանականությամբ Զաքարյան իշխանների կողմից: Այդ ընթացքում եկեղեցու հարավային և հյուսիսային պատերին կից ավելացվել են փոքրիկ խորան-մատուռներ: Սա պայմանավորված է նրանով, որ, ըստ արձանագրություններից մեկի, 13-րդ դարի սկզբին Բաշտկա թոռներ Գրիգորը և Մովսեսը վանքին են միավորում Սառնաղբյուր գյուղը, որի դիմաց միաբանությունը խոստանում է նրանց հիշատակին ամեն տարի երկու խորաններում Պատարագ մատուցել:

Ս. Ստեփանոսի եկեղեցու վերջին արձանագրությունը կատարվել է 1251 թվականին, ըստ որի կալվածքներ են միավորվել վանքին: Սրանից եզրակացնում ենք, որ դեռևս 13-րդ դարի կեսերին Լմբատավանքը Ս. Ստեփանոս եկեղեցու հետ միասին կանգուն էր: Դրանից հետո, այս վանքի մասին պատմությունը լռում է:

դ. Գնդեվանքի Ս. Ստեփանոս եկեղեցի

Գնդեվանքի վանական համալիրը կառուցվել է 10-րդ դարում՝ 996 թվականին: Վանքի հիմնադրման մասին այսպես է արտահայտվել Սյունյաց Սոփիա իշխանուհին. «Ամակ մատանի էր Վայոց ձորը, ես շինեցի սա և իբրև ակ դրեցի վրան»:

Վանքի Ս. Ստեփանոս եկեղեցին կրկնում է Ս. Հռիփսիմեի տաճարի տիպը և հենց այդ ոճն էլ բարձրացնում է վանքի համալիրի տեսքը և ճշմանկությունը: Իրապես Գնդեվանքը, Ս. Ստեփանոս եկեղեցու հետ միասին, հանդիսանում է 10-րդ դարի Սյունիքի կարևորագույն հուշարձաններից մեկը:

ե. Խծկոնքի Ս. Ստեփանոս եկեղեցի

Խծկոնքի վանական համալիրը բաղկացած է հինգ եկեղեցիներից՝ Ս. Աստվածածին, Ս. Կարապետ, Ս. Լուսավորիչ և Ս. Ստեփանոս: Այս եկեղեցիներից միայն Ս. Սարգսի շինարարության թվականն է հայտնի՝ 12-13 դարեր, մյուսների մասին պատմական տեղեկություններ ստանում ենք արձանագրություններից: Այս հինգ եկեղեցիներից միայն Ս. Ստեփանոսը ունի ավանդատներ և իր ճարտարապետական ռճով տարբերվում է մյուսներից:

2. Ս. Ստեփանոս Նախավկայի անունը կրող վանական համալիրներ

ա. Աղբյուր Ս. Ստեփանոսի վանք

Աղբյուր Ս. Ստեփանոս վանքը գտնվում է Գեղարդավանքի մոտ: Վանքի հիմնադրումը կապվում է Հռիփսիմյանց կույսերի պատմության հետ և Ս. Ստեփանոս է կոչվել այնտեղ նույնանուն հոգևորականի թաղման հետ կապված: Վանքը կառուցվել է 13-րդ դարում: Ս. Ստեփանոսի վանական համալիրը բաղկացած է գլխավոր եկեղեցուց, ժամատնից և Պողոս-Պետրոս եկեղեցուց:

բ. Դարաշամբի (Մաղարդի) Ս. Ստեփանոս Նախավկայի վանք

Դարաշամբի Ս. Ստեփանոս Նախավկայի վանքը գտնվում է Ջուղայից 15 կմ արևմուտք, Մաղարդ սարավանդին, Դարաշամբ կոչվող գյուղի մոտ: Այն ժամանակի ընթացքում հայտնի է եղել որպես ճարտարապետական բարձր ոճի հուշարձանների համալիր ու հանդիսացել է հայ ժողովրդի ամենամվիրակամ ուխտավայրերից մեկը:

Ըստ արձանագրությունների, Դարաշամբի վանքը կառուցվել է 1643 թվականին և ավարտվել 1655-ին, շարունակվելով մինչև 1680 թվականը: Ծիսարարությունը կատարվել է Հակոբ Ջուղայեցի վարդապետի (հետագայում՝ կաթողիկոս) օրոք, ում Ավետիքի նվիրատվությամբ: Ժամանակի ընթացքում վանքը մի քանի անգամ վերանորոգվել է: Ըստ արձանագրություններից մեկի, այս վերանորոգումներից մեկը կատարվել է 1865 թվականին: Վանքի համալիրը կազմված է գլխավոր եկեղեցուց, երկու փոքր-կից եկեղեցիներից և մի զանգակատնից:

Դարաշամբի Ս. Ստեփանոս վանքը, բացի նվիրական ուխտատեղի լինելուց, եղել է նաև մեր մշակույթի օջախներից մեկը, ունեցել է հարուստ ձեռագրատուն և կրթական բարձր մակարդակի վրա դրված վանական դպրոց:

գ. Աստապատի Ս. Ստեփանոս վանք

Աստապատի Ս. Ստեփանոս (հայտնի է նաև Կարմիր վանք, Քարատակի վանք) վանական համալիրը գտնվում է Նախիջևանից հարավ, Արաքսի ձախակողմյան մասում: Այն հանգամանքը, որ վանքի ամուրը հիշատակվում է խաչիկ Ս. Արշարունի Կաթողիկոսի 976 թվականի թղթում և տեղի խաչքարերն էլ ունեն 1277, 1471, 1477 թվականները, ենթադրել են տալիս, որ վանքը հիմնվել է վաղ միջնադարում: Ավերվելով 17-րդ դարում Ծառ-Արաքսի արշավանքներից, վանքը մի քանի անգամ վերաշինվել է: Հիմնական վերանորոգումը կատարվել է 1615-16 թվականներին մշահավոր կրոնական գործիչ Պողոս Մոկացի վարդապետի ձեռքով: Վանական համալիրը, շնորհիվ իր մշահավոր վանահայրերի, մի քանի տասնամյակում հարստացել է մոր շենքերով ու սրբարաններով: 1841 թվականի երկրաշարժը ավերածություններ պատճառեց վանքին, որը վերանորոգվեց 1870-ական թվականներին: 20-րդ դարի սկզբին վանքը լիովին լքվեց և այժմ գտնվում է կիսավեր վիճակում: Ս. Ստեփանոսի վանական համալիրի գլխավոր եկեղեցին միջին չափերի մի շինվածք է, ունի զավիթ և մեկ մուտք:

3 Ս. Ստեփանոս Նախավկայի ամուրը կրող եկեղեցիներ պատմական Հայաստանի և սփյուռքի տարածքում

ա. Ագարակի (Էզրեկի) Ս. Ստեփանոս Նախավկա եկեղեցի

Ագարակի Ս. Ստեփանոս եկեղեցին գտնվում է Արևմտյան Ծիրակում: Կառուցման ստույգ թվականի մասին վկայություններ չկան: Պատերին կատարված արձանագրությունները հիմնականում նվիրատվությունների մասին են, որոնցից հիշարժանը Ապղարիպ Պաթլավունուն է՝ կատարված 1006

թվականին: Դարասկզբի տվյալներով ընդհանուր առմամբ կանգուն վիճակում է: Այս եկեղեցին բավականին ուսումնասիրված է Կարսի ճահանգում գտնվելու և ըստ այդմ էլ հետազոտության նպատակով ավելի մատչելի լինելու համար: Եկեղեցին ունի չորս կիսաշրջան խորան և երեք մուտք: Հստ ուսումնասիրողների. եկեղեցին իր ճարտարապետական կառուցվածքով համապատասխանում է 7-րդ դարի ոճին:

բ. Նոր Զուղայի Ս. Ստեփանոսի եկեղեցի

Հայաստանի քանկիչների դեպի Պարսկաստան գաղթելու հետ միասին կազմավորվեցին հայկական գաղութներ, դրանցից մեկն էր Նոր Զուղան: Հոգևոր կյանքի բարեպալման հետ միասին կառուցվեցին եկեղեցիներ, որոնց թիվը հասավ 12-ի, դրանցից մեկն էլ Ս. Ստեփանոս եկեղեցին է: Այն քաղաքի հնագույն եկեղեցիներից է, կառուցվել է 1613 թ. և գտնվում է Հակոբջանենց թաղում: Եկեղեցին նորոգվել է 1848 թ.: Եկեղեցու ներսը զարդարված է որմնանկարներով՝ կատարված 1642 թ.:

գ. Երուսաղեմի Ս. Ստեփանոս եկեղեցի

Երուսաղեմի Ս. Ստեփանոս եկեղեցին շատ հին ավանդություն ունի, որը կապված է Ս. Ստեփանոսի նշխարների գյուտի հետ: Նշխարների գյուտը տեղի է ունենում 415 թվականին, Կափարգամաղանում, որը մեծ հանդիսությամբ տեղափոխվում է Սիոնի վերնատուն: 438 թվականին Թեոդոս Բ-ի թագուհին այդ նշխարների մի մասը վերցնում և Ստեփանոսի քարկոծման տեղում եկեղեցի է կառուցում: Նշխարների մնացած մասի վրա մի այլ եկեղեցի է կառուցվում, որի մեծ մասը կործանվում է 614 թ.:

Այնուհետև եկեղեցին հիշատակվում է 670 թվականի մի գրության մեջ, որպես վերնատան եկեղեցուն կից շինվածք: 850 թվականի մի հիշատակության մեջ Ս. Ստեփանոսը հիշվում է որպես առանձին եկեղեցի: Եկեղեցին հին ժամանակներից հայկական սեփականությունում է եղել և հիշատակվել է մինչև 1970 թ.: Պատմությունը լուրս է միջև 1483 թ.: Ոմն մի Նիկողայոս եպիսկոպոս իր հիշատակարանում գրում է. «Ս. Ստեփանոսի գերեզմանը ի Սիոն»:

Հիշատակելով Ս. Ստեփանոսի նշխարների գյուտը, հարկ եմ համարում մի քանի տեղեկություն էլ հայտնել նրա գերեզմանի մասին: Ս. Ստեփանոսի գերեզմանի մասին հիշում է Ղուկիանոս քահանա 315 թվականին: Երկար դարեր սրբի գերեզմանի տեղը մոռացված էր: 1891 թվականին հնագետների ուսումնասիրությունները ցույց տվեցին, որ Երուսաղեմից 21 կմ հեռու գտնվող Բեյթ Զեմալգյուղը Ղուկիանոսի հիշատակած Կափարգամաղանն է: Նույն գյուղում կատարված հետազոտությունները օգնեցին հայտնաբերելու մի եկեղեցի, որի տակ, այլ գերեզմանների թվում գտնվեց Ս. Ստեփանոսի տապանաքարը, կիսավեր վիճակում:

դ. Աբովյանի Ս. Ստեփանոս եկեղեցի

Աբովյանի Ս. Ստեփանոս եկեղեցին գտնվում է այժմյան Կոտայքի մարզում, Էլար կոչվող գյուղի տեղում: Այն կառուցվել է մոտավորապես 17-րդ դարում: Եկեղեցին բազիլիկ ոճի է: 1851 թվականին վերանորոգվել է, իսկ 1864 թվականին

ավելացվել է նաև զանգակատունը: Եկեղեցու որմերի մեջ պահպանվել են 18-19-րդ դարերի խաչքարեր, որը ցույց է տալիս եկեղեցու հմուխությունը:

Եկեղեցու հարավային մասում պահպանվել է ուրարտական ժամանակաշրջանի ամրոցի հետքեր: Այստեղ հայտնաբերվել է մի արձանագրություն, որը հավաստում է, թե այդ վայրը եղել է թագավորական ամրոց: Եկեղեցին, օտնվելով Գեղարդի ճանապարհից, ծառայել է որպես իջևանատուն: Այժմ Աթուլյանի Ս. Ստեփանոս եկեղեցին Հայաստանի Հանրապետության տարածքում միակ գործողն է իր անունը կրող եկեղեցիների շարքում:

Արդ, բոլորիս ցանկությունն է, որպեսզի քրիստոնեության առաջին նախնային անունը կրող մորաճուռ եկեղեցիներ և սրբատներ գան՝ լրացնելու մեր բազմադարյան մշակույթի կոթողների շարքը, որոնցում չդադարի առ Աստված բարձրացող հայ հավատացյալի խնկելի աղոթքը:

